

Wárágà Pólò dré tìsìle Kòrítòbhá ì dré dhi ni rì

© 2016 Wycliffe Bible Translators, Inc.

Licence - Creative Commons CC:BY-NC-ND

Wárágà Pólò dré tisìle Kòrítòbhá ì dré dhi ni rì

Wárágà kònìdhi ni tà àndu ngìle drìdrì dhi

Kònìdhi wárágà Pólò dré tisìle mómnyá ka'ìbhá Kòrítò na dhi ì dré dhi ni rì 'ì. Pólò adrè wárágà kònìdhi ni tisì kitswázó tà ledé àyi kòfalésè Kòrítòbhá nda ìbe dhi bvó. Tàko ko, akódhi ni wárágà ni àlo léna dhi, lotó tá àyi àyi ki ru lanzìma ni tà sè, ìndì àyi ki tàkonzì àruka ki tà sè. Di mómndí àruka àyi kòfalé dhi ì gò adrélé ligílé akódhi rú, adrézó lizíá ngalè akódhi tá àpóstolò 'ì bàti yà dhi. Di wárágà kònìdhi léna dhi, Pólò adrè tà ta rinyí sè, adrézó àyi tàrà ga àzì àpóstolò àdhya Giká dré bhàle í drígá dhi ni tà sè. Tágba kònìni dhi, Pólò adrè làá dhi, àyi Kòrítòbhá nda ìbe dhi ì kògò ru amú tódhyá. Adrè kpà lenzélé, dré yìle Títò tí tàle dhi, ì ladzá àyi ki togó, ìndì ì lè gòle àyi no tò dhi sè (7:5-16).

Wárágà kònìdhi léna dhi, Pólò adrè kpà àzì Giká dré fèle mómnyá ka'ìbhá tíí dhi ì dré adrézó Rúbí Tani longó dhi ni tà ta (2:14-17; 3:1-3, 4-18; 4:1-18; 5:16-21). Àmvolásà dhi, adrè Kòrítòbhá ki kodzó ngá lokó kitswálé tíí, ì kòfèró lemerèbhá mómnyá ka'ìbhá Yèrúsalemà na dhi ì kòfalé dhi ì dré.

Wárágà kònìdhi léna dhi, Pólò kàdré àyi tàrà ga àpóstolò kinzò ro adrèbhá ligílé í rú dhi ki tà sè dhi, adrè 'òá kònìni àyi tàndì ni tà sè ko. Be ró dhi, adrè ína 'òá kònìni tadházóá ngádra 'á dhi, Rúbí Tani dré adrélé longólé dhi tà bàti 'ì káyà dhi.

Tà kàdrìkàdrì wárágà kònìdhi léna dhi ki atìma

- 1) Pólò ni mómndo fèma, ìndì mómnyá ka'ìbhá dhi ki togó tìndrìma (1:1-11)
- 2) Tà Pólò ì kòfalé Kòrítòbhá ìbe dhi (1:12–7:16)
- 3) Kòrítòbhá ki kodzoma ngá lokó fèle mómnyá ka'ìbhá Yèrúsalemà na dhi ì dré dhi (8:1–9:15)
- 4) Pólò ni tàrà gàma àzì Giká dré bhàle akódhi drígá dhi ni tà sè dhi (10:1–13:10)

5) Pólò ni kúlí kùdù (13:11-13)

1

Pólò ni mòdo fëma

¹ Ma, Pólò, bhàle adrélé Yésu Krísto ni àpóstolò ro ngóro Gìká dré lèle dhi t́nì dhi, t́mání àma ki adrúpi Tímòtéyò be dhi, mà adré wárágà kònìdhi ni tisì àmi, Èkèlézyà Gìká àdhya Kòrítò na dhi dré, t́mání mónnyá lólo tíí Gìká àdhya bvò Àkáyà àdhya na dhi fbe.

² Gìká àma ki Atá i Mírì Yésu Krísto be dhi ì kòbhà àyi ki togó tani àmi rú, ìndì ì kòfè tà kìdrìkìdri àmi dré!

Gìká adré móndí ki togó tindrì

³ Rúku kàdré Gìká, àma ki Mírì Yésu Krísto ni Atá dré! Akódhi nda, àma ki Atá adrélépi àyi togó dóro tadhá àma dré dhi 'i, ìndì Gìká adrélépi àma ki togó tindrì lavúlé dhi 'i. ⁴ Adré àma ki togó tindrì àma ki kizà tíí dhi i na, mà kòkìswáro kpà móndí àruka ki togó tindrì àyi ki kizà tíí dhi i na, ngóro Gìká dré àma ki tàndi ki togó tindrìle dhi t́nì. ⁵ Tàko ko, ngóro kizà Krísto dré nyàle dhi ì dré adrélé gàle àma léna b́ dhi t́nì dhi, Gìká adré kókpà àma ki togó tindrì lavúlé Krísto sè. ⁶ Mà kàdré kizà nya dhi, mà adré nyaá m̀ kòkisúró togó tindrìma t́mání lídrì kóná vèsè kólyá dhi be be dhi bvó. Gìká kàdré àma ki togó tindrì dhi, adré tindrìá kìswázó kókpà àmi ki togó tindrì, m̀ kàdréro togó tsi kizà tíí m̀ dré adrélé nyàle àmakya t́nì dhi i sè. ⁷ Dì mà adré m̀ bha Gìká véna àmi ki tà sè. Tàko ko, mà nì tàle dhi, ngóro mà dré adrélé kizà nya t́mání àmi fbe dhi t́nì dhi, mà ni kókpà togó tindrìma kisú t́mání àmi fbe dhi be.

⁸ Àma ki adrúpi i, mà adré leá m̀ kònì ngalè mà nya tá kizà bvò Àsíyà àdhya na ngíni ya dhi. Kizà nda ñò tá àma tà tàndi ró, àma ki rìnyí lavúzó gò, mà dré àma ki m̀ bhàma kìswázó adrélé dhi ni tayízó. ⁹ Àma léna dhi, sù ngóro à ñò tá tà àma dri kìswálé dràdrà sè na t́nì. Dì, tà nda 'o tá ru kònìni, mà kàdréro m̀ bha àma ki tàndi i dri ko, be ró dhi, Gìká adrélépi móndí ki tingá dràdrà lésè dhi dri.

¹⁰ Akódhi nda apá àma dràdrà làsú be kònìni nda lésè nì. A ni go kpà àma ki apá

nì. Mà adré di àma ki mì bha akódhi véna, kògòró adrélé àma ki apá. ¹¹ Àmi ró dhi, mì adré kpà àma ki ledé, mì dré adrélé tà zi Gìkà tí àma dré dhi sè. Di àsà dhi, mónđí zyandre dhi ki tà tani Gìkà dré dra 'òle àma dré dhi ki no, ì dré tà zìle akódhi tí àma dré dhi sè gò, ì dré àwoyà fèzo akódhi dré àma ki tà sè.

Pólò ladzá tà í dré tá kisùle 'òle dhi

¹² Tà mà dré adrézó drì bha kuru àsà dhi, tà kònìdhi 'i: Àma ki togó adré tadhá àma léna dhi, mà 'o tà bvò kònìdhi lé, lavúlé dhi, àmi kòfalé, togó lólo wáyì angálépi Gìkà vélésè dhi sè dre. Mà 'o kònìni àma mónđí ro dhi ki tògyá sè ko. Be ró dhi, mà 'o àmakya kònìni Gìkà ni togó tani bhàle àma rú dhi sè. ¹³ Àma ki wáràgà ì léna dhi, mà adré ngbà 'í tà mì dré kitswálé nàle ìndì nìle bwà dhi ki tisè àmi dré kòdhyà. Di má adré mì bha, mì kòkitswáró tà kònìdhi ni ni dóro, ¹⁴ ngóro mì dré kídhólé nìle tsà dhi tìni: Kítú àma ki Mírì Yésu dré dra agòzo dhi tú dhi, mì ni kitswá drì bha kuru àma ki tà sè, ngóro mà dré dra drì bhàle kuru àmi ki tà sè dhi tìni.

¹⁵ Má dré tá àmi ki tà ka'ìle bàti dhi sè dhi, má kisù tá drìdrì dhi, má ni tá tsa àmi véna vésè be rì, mì kòkitswáró tá tà tani kisú vésè be rì ká. ¹⁶ Àngyá ko, má lè tá tsàle àmi véna, má dré tá adrérà'a lile Màkèdòníyà na dhi 'á, má kònì agò Màkèdòníyà lésè dhi, má kògòró tódhyá àmi ki no gò, mì kòkitswáró áma ledé lile Yùdáyà na. ¹⁷ Di mì adré kisùá dhi, má dré tá adrérà'a tà kisù 'òle kònìni dhi 'á dhi, má kisù tá mána tà nda 'òle togó wáyì sè ko? Kó ngalè, mì adré kisùá dhi, má adré mána tà kisù 'òle ngóro mónđyá bvò àdhyà kya tìni, adrézó tàá «Àyíya» ìndì «Kóko» lókyá àlo sè dhi 'í?

¹⁸ Di, Gìkà nì tàle dhi, mà dré adrérà'a áyi kúlí longó àmi dré dhi 'á dhi, mà adré tàá «Àyíya» ìndì «Kóko» lókyá àlo sè ko dhi be. ¹⁹ Tàko ko, Yésu Krísto, Gìkà ni Mvágó, mà dré tà ni ni longózó tùmání Sílà íbe ìndì Timòtéyò be àmi dré dhi, adré ína tàá «Àyíya» ìndì «Kóko» lókyá àlo sè ko.^a Be ró dhi, Krísto nda léna dhi, tà títí dhi ì «Àyíya» 'i. ²⁰ Àngyá ko, Gìkà adré tà títí í dré lazílé dhi ki 'o kitswálé

^a1:19 Gìkà ni Kúlí tisìle Gírìkì ti sè dhi léna dhi, à adré rú «Sìlùwánò» kisú kònwa. Rú nda tá rú àzya Sílà dré dhi 'i.

títí Krísto na. Di Krísto nda sè dhi, mà adrè tàá «Kàdré kònìni», adrézó Gìká ni rú bha kùle. ²¹ Gìká nda adrè àma ki 'o adrélé àma ki totó tātā tùmání àmi fbe Krísto na dhi nì. Tàko ko, akódhi zì tá àma, ²² àngì lwàzo àma rú tadházóá dhi, àma mónnyá ína 'i káyà dhi. Dré Tírí Lólo bhàzo àma ki togó na, ngóro ngádrì adrélèpi tadhá dhi, í ni tà títí í dré lazílé dhi ki afè àma dré dhi tñi.

²³ Gìká ni dóro tàle dhi, tà má dré adrélé tàle kònìdhi tà bàti 'i káyà dhi. Má kàdré kinzò ta dhi, akódhi kòbhà tà má dri. Má gò tá tsàle tódhyá àmi véna Kòritò na ko, má kàpáro àmi kúlí má dré tá adrélé 'òle tàle àmi dri dhi i lésè.

²⁴ Mà adrè òpì le nyàle àmi dri àmi ki tà ka'ìka'ì ni tà sè ko. Be ró dhi, mà adrè àmakya àzì 'o tùmání àmi fbe, mì kàdréro gàle arí sè bǐ. Tàko ko, mì adrè àmi ki totó tātā àmi ki tándi ki tà ka'ìka'ì sè.

2

¹ Di má nò tá dóro ni, má dré gòle tsàle àmi véna ko dhi, má kògòro kizà fe àmi dré ko. ² Tàko ko, má kàdré kizà fe àmi dré dhi, àdhi ni go arí fe má dré dhi nì, kàdré àmi má dré kizà fèzo àmi dré dhi 'i ko dhi? ³ Di má tisì tá wárágà àmi dré ngóro má dré tá tisìle dhi tñi, má kònì dra tsa àmi véna dhi, má kòkisúro kizà mónnyá tá kitswábhá arí fe má dré dhi i véna ko. Má ka'ì tá dhi, má kàdré arí fbe dhi, àmi títí mì ni kókpà adrè arí fbe. ⁴ Di má tisì tá wárágà nda àmi dré togó lanzi gàlepi kizà sè bǐ dhi be, ìndì mìnndra fbe bǐ. Má tisì tá kònìni kitswázó kizà fe àmi dré dhi bvó ko, be ró dhi, mì kònìro áma lèle kàdrì àmi véna dhi be dhi bvó.

Dhya tàkonzì 'òlepi dhi ni tàkonzì trìma

⁵ Dhya àlo kòfè kizà dhi, akódhi nda fè kizà ngbà 'í má dré ko. Be ró dhi, fè kizà nda àmi títí dhi i dré, kó ngalè móndí bǐ àmi kòfalé dhi i dré. (Má lè tà nda ni kitélé ko.) ⁶ Tà móndí bǐ àmi kòfalé dhi i dré nòle dhya nda dri dhi kitswá akódhi dré dre. ⁷ Di nyànomvá dhi, adrè lèá dhi, mì kòtrì akódhi ni tàkonzì, akódhi ni togó tìndrìzo, akódhi ni togó nda kònòro kizà dré nònò ko. ⁸ Má adrè di àmi ki kodzó, mì kògòro tódhyá àmi ki lèle tadhá akódhi dré.

⁹ Má tìsì tá wárágà nda àmi ki tabhìzo, nìzoá ngalè m̀ adré áma kúlí ka'ì 'òle tà tíí ì sè 'í yà dhi. ¹⁰ M̀ kàdré dhya àlo ni tàkonzì tri dhi, má adré kókpà akódhi nda ni tàkonzì tri. Má kàdré tàkonzì tri dhi, tàkonzì kitswálé trile dhi kàdré be dhi, má adré triá Krísto kandrà àmi ki tà sè, ¹¹ Sàtánà kòkisúró láti àma ki litízó dhi ko dhi bvó. Tàko ko, mà ni tà akódhi nda dré adrélé 'òle àma ki tabhìzo litílé dhi ì be.

Pólò ni togó lanzì Trówà na

¹² Má dré tá lizo Krísto ni Rúbí Tani longó Trówà na dhi, Mírì nzi tá láti dra má dré àzì nda ni 'òzo. ¹³ Di, tágba kònèni dhi, áma togó lanzì tá ína, má dré áma adrúpi Títò ni kisulé kònàle ko dhi sè. Ásà dhi, má dré lazízó mónnyá kònàle dhi ì tí gò, lizo bvò M̀kèdòníyà àdhya na.

Àma ngóro tàdzí dóro Krísto àdhya tíni

¹⁴ Di, mà kàdré àwoyà fe Gìká dré! Tàko ko, akódhi adré ngbú adrélé àma ki tidrì, ngóro móndí ì dré 'òle lavulé Krísto na dhi ì tíni. Àma sè dhi, adré kpà Krísto ni 'o móndí ì dré nìle àrà tíí ì 'àsè, ngóro tàdzí dóro adrélépi ngùle móndí ì kòfalé dhi tíni. ¹⁵ Àngyá ko, àma ngóro tàdzí dóro Krísto dré fèle Gìká dré, adrélépi ngùle mónnyá adrèbhá lile lídrì kisú dhi ì kòfalé, tùmání mónnyá adrèbhá lile dràdrà kisú dhi ì be dhi tíni. ¹⁶ Àyi adrèbhá lile dràdrà kisú nda ì dré dhi, àma tàdzí dràdrà àdhya tíni. Di, àyi adrèbhá lile lídrì kisú nda ì dré dhi, àma àmakya tàdzí lídrì àdhya tíni. Di àdhi ni kitswá tà nda sè nì? ¹⁷ Àma ró dhi, mà adré Gìká ni kúlí lagí làfa sè ngóro móndí àruka bí dhi kya tíni ko. Be ró dhi, Krísto na dhi, mà adré àmakya kúlí nda ni longó togó wáyi sè Gìká kandrà, Gìká dré àma ki mùle tà nda ni 'o nì dhi sè.

3

Àma ngóro wárágà Krísto dré tìsìle móndí ki togó na dhi tíni

¹ Mà adré gòle véle àma ki tàndi ki tà dóro ta kòdhya? Adré tsì lèà dhi, mà kàdré àma ki tà dóro ki tìsì wárágà na fèle àmi dré yà, kó ngalè mà kàdré àmi ki lizí àma ki tà dóro ki tìsì wárágà na yà dhi, ngóro móndí àruka ì dré adrélé 'òle

dhi t́ni? ² Àmi ki t̀andi i wárágà àmakya tisìle àma ki togó na, mónyá tíí dhi ì dré adrélé nàle ìndì nìle dhi 'i. ³ Bàti, mì adré tadhá ngádra 'á dhi, àmi wárágà Krísto dré tisìle àma ki àzì sè dhi 'i. Akódhi tisì wárágà nda wárágà sú sè ko. Be ró dhi, tisì Tírí Gìkà lídrì ro dhi àdhya sè. Tisì kpà wárágà nda kírà dri ko. Be ró dhi, tisì móndí ki togó na.

Àma Gìkà ni àzì 'obhá tà tídhí dré bhàle ru yìzo móndí íbe dhi ni tà sè dhi 'i

⁴ Mà adré tà nda kòdhi ki ka'ì bàti Krísto sè Gìkà kandrà. ⁵ Di, mà adré àma ki no ngóro móndí kítswábhá tà 'o àyi ki t̀andi ki rinyí sè bwà dhi i ró ko. Be ró dhi, Gìkà adré ína àma ki 'o kítswalé tíí dhi nì. ⁶ Akódhi 'o àma kítswalé tíí, adrélé áyi àzì 'obhá tà tídhí í dré bhàle ru yìzo móndí íbe dhi ni tà sè dhi i ró. Tà tídhí dré bhàle nda angá tátírítrí kúlí tisìle dhi lésè ko. Be ró dhi, angá ína Tírí Lólo vélésè. Tàko ko, tátírítrí kúlí tisìle nda adré móndí ki 'o todràle. Di, Tírí nda adré ína móndí ki 'o adrílé.

⁷ Tágba tátírítrí kúlí tisìle wárágà pá sè kírà i dri dhi dré tá adrézó dràdrà fe dhi, Gìkà 'o tá tátírítrí kúlí nda adrélé mìlanzìlanzì ro, Ìsèrélè ànzi ì kòkítswáro Mósè ni mìbhalé no bwà ko lagulagu ni ni tà sè, tágba lagulagu nda dré tá adrézó akílé akíakí dhi. ⁸ Kàdré kònìni dhi, tà tídhí angálépi Tírí Lólo vélésè nda ni adré di véle mìlanzìlanzì ro lavúlé! ⁹ Tà àku adrélépi tá tà bha móndí i dri nda kàdré tá mìlanzìlanzì ro dhi, tà tídhí adrélépi móndí ki bha gyăgya Gìkà kandrà nda véle mìlanzìlanzì ro lavúlé! ¹⁰ Tàko ko, tà àku adrélépi tá mìlanzìlanzì ro nda gò véle adrélé mìlanzìlanzì ro ko, tà tídhí nda ni mìlanzìlanzì dré àku ni ni lavúlé dhi sè. ¹¹ Tà àku adrélépi tá akílé nda kàdré tá mìlanzìlanzì ro dhi, tà tídhí adrélépi kóná vésè kólyá nda véle mìlanzìlanzì ro lavúlé!

¹² Di mà dré adrélé mì bha tà nda kòdhi dri dhi sè dhi, mà adré tà tíí dhi ki 'o tawà sè. ¹³ Àma ngóro Mósè adrélépi tá áyi mìbhalé zu kítá sè, Ìsèrélè ànzi ì kònòro lagulagu ni adrélépi tá akílé dhi ko dhi t́ni ko. ¹⁴ Di, Ìsèrélè ànzi nda ki tà kisùkisù tá ína t́nìmvá na. Tàko ko, atsalé ándrò kònìdhi dhi, ì dré adrérà'a tà àku Gìkà dré tá bhàle ru yìzo móndí íbe dhi ni kúlí na dhi 'á dhi, kítá àlo nda adré rè dhu àyi ki tà kisùkisù zu. À kítswá ngbà 'í kítá nda ni t́ngá Krísto ni ka'ima sè.

¹⁵ Bàti, atsálé ándrò kònìdhi dhi, ì kàdré Mósè ni tátrítrí kúlí na dhi, kítá nda adrè rè dhu àyi ki tà kisùkisù zu. ¹⁶ Dì, dhya àlo kàdré áyi togó adzá Mírì vélé dhi, à adrè kítá nda ni tingá. ¹⁷ Mírì nda Tírí 'i. Àrà Mírì ni Tírí dré adrézó dhi 'á dhi, tà adrézó móndí ki trì dhi be. ¹⁸ Àma títi kítá nda ni tingázó àma ki mibhalé 'ásè dhi i, mà adrè Mírì ni mìlanzìlanzi tadhá, ngóro tàlàtálà dré adrélé ngá líndrí tadhá dhi tìni. Dì Mírì adrè àma ki ladzá atsálé áyi tàndi tìni gò, mà dré adrézó akódhi ni mìlanzìlanzi tadhá adrézó lile ába drìdrì. Kòdhi tà Mírì adrélèpi Tírí 'i nda dré adrélé 'òle nì dhi 'i.

4

Ngá làgí kyàkyà lèdrí rùle kìnì sè dhi i léna dhi

¹ Dì àsà dhi, Gìká dré àzì nda ni bhàle àma drìgá áyi togó dóro sè dhi sè dhi, mà adrè àma ki togó tayí adrélé lanzìle ko. ² Be ró dhi, mà gà àmakya tà lùzu ró ìndì kanyò ro dhi ki 'òma rè. Mà adrè tà 'o túrúpí sè ko, adrézó kpà Gìká ni kúlí ladzá atsálé kìnzò ro ko. Be ró dhi, mà adrè àmakya tà bàti tadhá ngádra 'á, adrézó àma ki tàndi ki tà tadhá móndyá títi dhi i dré kitswálé tabhìle àyi ki togó na Gìká kandrà. ³ Dì, Rúbí Tani mà dré adrélé longólé dhi kàdré ína lùzu ró dhi, adrè ngbà 'í lùzu ró móndyá adrèbhá lile dràdrà kisú dhi i dré. ⁴ Àngyá ko, gìká bvò kòndi àdhya 'o móndyá ka'ìbhá ko dhi ki tà kisùkisù atsálé tìnìmvá ro, ì kòkìswáro ngádra Rúbí Tani àdhya ni no bwà ko.^b Rúbí Tani nda adrè Krísto, adrélèpi Gìká ni líndrí 'i dhi ni mìlanzìlanzi tadhá kòdhya. ⁵ Tàko ko, mà adrè àma ki tàndi ki tà longó kòdhya ko. Be ró dhi, mà adrè Yésu Krísto ni tà longó kòdhya, adrézó tadhá dhi, akódhi Mírì 'i, ìndì àma, àmi ki màràbà Yésu ni tà sè dhi 'i. ⁶ Tàko ko, Gìká tà tá dhi: «Ngádra kàdré kòle tìnìmvá na!»^c Dì Gìká nda 'o áyi ngádra kòle ngá kazá àma ki togó na dhi nì, mà kòniró áyi mìlanzìlanzi adrélèpi lagúlé Krísto ni mibhalé 'á dhi be dhi bvò.

^b4:4 «Gìká bvò kòndi àdhya» kònìdhi Sàtánà 'i.

^c4:6 À kònò Kìdhoma 1:3.

⁷ Di, àma àmakya ngá làgí kyàkyà nda íbe àma léna, tágba mà kàdré ngóro lídrí rùle kìní sè dhi ì tìni yà dhi, tadházóá dhi, rìnyí kàdrì lavúlé nda angá ína Giká vélésè, àma vélésè ko. ⁸ Mà adré kizà nya láti títí ì sè, di, kizà nda lavú ína àma ko. Àma ki drì adré abílé, di, tà nda kizá ína àma ki tà ka'ika'ì ko. ⁹ À adré àma ki mì pfo, di, Giká tayí ína àma ko. À adré àma ki abhé kìní mi, di, mà drà àmakya ko. ¹⁰ Mà adré ngbú adrélé Yésu ni dràdrà todó àma rú, à kàdréro kókpà Yésu ni lídrì no àma rú be dhi bvó. ¹¹ Tàko ko, à adré ngbú àma adrèbhá lídrì ro dhi ki lefè adrélé dràdrà mìle Yésu ni tà sè, à kàdréro kókpà Yésu ni lídrì no àma ki rúbhá adrélépi dràle dràdrà dhi rú. ¹² Di àsà dhi, àma ngbú ànyi dràdrà mìle, mì kàdréro lídrì íbe be dhi bvó.

¹³ Giká ni Kúlí adré tàá dhi: «Má ka'ì dre. Àsà dhi, má dré tà tàzo.»^d Tà ka'ika'ì làsú be kònèni nda sè dhi, mà adré kpà Giká ni ka'ì gò, adrézó tà ta. ¹⁴ Tàko ko, mà nì tàle dhi, Giká Mírì Yésu ni tìngálépi dràdrà lésè dhi ni kókpà àma ki tìngá dràdrà lésè tùmání Yésu be gò, àma ki 'òzo pfole àmi íbe í kandrá dhi be. ¹⁵ Tà títí mà dré adrélé mvòle dhi ì, mà adré mvòá àmi ki tà sè, Giká ni togó tani kòtsaró móndí zyandre lavúlé dhi ì véna gò, àyi ki 'o adrélé àwoyà ta akódhi dré, adrézó akódhi ni rú bha kùle.

¹⁶ Àsà dhi, mà adré àma ki togó tayí adrélé lanzile ko. Tágba àma ki rúbhá dré adrézó ñwàle ñwanwà dhi, Giká adré àma ki togó 'o atsálé tídhí ro kítú àlo àlo títí ì sè. ¹⁷ Tàko ko, kizà tsàtsà mà dré adrélé nyàle lókyá tsà sè kòdhi ì adré àma ki 'o kitswálé mìlanzìlanzì kàdrì kizà nda ki lavúlépi ìndì adrélépi kóná vésè kólyá dhi ni kisú. ¹⁸ Di mà adré mì bha ngá kitswálé nòle mì sè dhi ì dri ko. Be ró dhi, mà adré àmakya mì bha tà kitswálé nòle mì sè bwà ko dhi ì dri. Àngyá ko, ngá kitswálé nòle mì sè dhi ì adré ngbà 'í gile lókyá tsà sè. Di, tà kitswálé nòle mì sè bwà ko dhi ì adré àyikya gile kóná vésè kólyá.

5

Àma ki rúbhá bhù àdhyà ni asoma

^d4:13 À kònò Longó ì 116:10.

¹ M̀a ǹi t̀ale dhi, `ama ki r̀ubh`a bv`o `adhya adr`el`epi ng`oro w`em`a t`ni k`on`idhi k`odr`a dhi, m̀a ǹi dz`o `azya dra adr`el`epi k`on`a v`es`e k`oly`a dhi ǹi kis`u Gik`a v`ena bh`u na dhi be. Dz`o nda dz`o m`ond`i `i dr`e s`ile ǹi dhi 'i ko. Be r`o dhi, dz`o nda dz`o Gik`a dr`e s`ile ǹi dhi 'i. ² Ny`anomv`a dhi, m̀a adr`e tong`ol`e lov`o s`e, adr`ez`o `ama ki r̀ubh`a bh`u `adhya nda ǹi le as`ol`e `ama r`u. ³ `Angy`a ko, m̀a k`on`i dra r̀ubh`a nda ǹi as`o dhi, m̀a kitsw`a adr`el`e bv`ol`il`i ro ko. ⁴ B`ati, m̀a dr`e adr`er`a'`a r̀ubh`a bv`o `adhya k`on`idhi na dhi, m̀a adr`e tong`ol`e, adr`ez`o ng`a lanz`i tod`o. K`odhi adr`e l`e`a ko t̀ale dhi, m̀a adr`e r̀ubh`a bv`o `adhya k`on`idhi ǹi le tay`il`e dhi. Di, m̀a adr`e `amakya r̀ubh`a bh`u `adhya nda ǹi le as`ol`e k`odhya, kitsw`al`e r̀ubh`a dr`adr`a `adhya k`on`idhi k`oladz`ar`o ru ats`al`e r̀ubh`a l`idr`i `adhya r`o be dhi bv`o. ⁵ Gik`a z`i `ama t`a nda k`odhi ǹi kis`u dhi ǹi g`o, dr`e T`ir`i L`olo af`ez`o `ama dr`e, ng`oro ng`adr`i adr`el`epi tadh`a dhi, `i ǹi t`a t`it`i `i dr`e laz`il`e dhi ki af`e `ama dr`e dhi t`ni.

⁶ Di `as`a dhi, `ama ki tog`o adr`e ngb`u g`ale `ama ki t`a ka'ile dhi s`e b`i. M̀a ǹi kp`a t̀ale dhi, m̀a dr`e adr`er`a'`a r̀ubh`a k`on`idhi na dhi 'a dhi, `ama vw`avw`a ro M`ir`i ǹi bh`a r`us`e dhi be. ⁷ T`ako ko, m̀a adr`e ats`il`e `ama ki t`a ka'ika'i s`e. M̀a adr`e ats`il`e ng`a m̀a dr`e kitsw`al`e n`ole m`i s`e dhi `i s`e ko. ⁸ B`ati, m̀a adr`e g`ale `ama ki t`a ka'ile dhi s`e b`i. Di `ama m`il`es`e dhi, d`oro ǹi t`a m̀a dr`e r̀ubh`a k`on`idhi ǹi tay`il`e g`o, l`izo adr`el`e M`ir`i bh`ana dhi. ⁹ Di, m̀a adr`e t`a t`it`i dhi ki 'o adr`ez`o Gik`a ǹi tog`o 'o kin`il`e, gba m̀a k`adr`e r̀ubh`a k`on`idhi na y`a, k`o ngal`e m̀a k`otay`i r̀ubh`a nda y`a dhi. ¹⁰ T`ako ko, adr`e l`e`a dhi, `ama t`it`i m̀a k`opf`o Kr`isto kandr`a, k`ot`ar`o `ama ki t`abv`o, m̀a k`okis`ur`o t`a kitsw`al`epi t`a m̀a dr`e 'ole r̀ubh`a na dhi `i s`e dhi, gba t`a nda `i k`adr`e t`a d`oro 'i y`a, k`o ngal`e t`a k`onzi 'i y`a dhi.

Gik`a am`u `ama t`odhy`a `i be Kr`isto s`e

¹¹ Di m̀a dr`e M`ir`i ǹi r`oma n`ile be dhi s`e dhi, m̀a adr`e m`ond`i ki tog`o as`e ak`odhi ǹi ka'i. Gik`a ǹi `ina `ama ki t`a d`oro. M`a adr`e kis`u`a dhi, m`i ǹi k`okp`a `ama ki t`a d`oro.

¹² M̀a l`e g`ole `ama ki t`and`i ki t`a d`oro ta `ami dr`e ko. Be r`o dhi, m̀a adr`e `amakya l`ati fe `ami dr`e adr`ez`o dr`i bha kuru `ama ki t`a s`e, m`i k`okitsw`ar`o k`ul`i log`o m`ondy`a adr`ebh`a dr`i bha kuru ng`a adr`el`e n`ole m`i s`e dhi ki t`a s`e dhi `i t`i. B`ati, `ayi nda `i adr`e dr`i bha kuru t`a m`ond`i ki tog`o na dhi ki t`a s`e ko. ¹³ M̀a k`adr`e t`a 'o ng`oro

móndí azaaza kya t́ni dhi, mà adré 'òá Gìká dré. Mà kàdré kó tà 'o tà kisùkisù be dóro dhi, mà adré 'òá àmi dré. ¹⁴Tàko ko, Krísto ni lèle adré àma ki fe adrélé tà 'o dhi nì. Àngyá ko, mà dré ka'ile Krísto drà móndyá títí dhi ki tà sè dre dhi sè dhi, mà ka'ì kókpa tàle dhi, móndyá títí dhi ì todrà tùmání akódhi be dre. ¹⁵Di akódhi drà móndyá títí dhi ki tà sè, kitswálé móndyá adrébhá lídrì ro dhi ì kògòró adrélé tà 'o àyi ki tàndi ì dré ko, be ró dhi, ì kàdréro tà 'o akódhi dràlepi gò ngàle dràdrà 'ásè àyi dré nda dré.

¹⁶Di kídholé nyànomvá dhi, mà adré dhya àlo no, ngóró móndyá bvò àdhya ì dré adrélé nòle dhi t́ni ko. Tágba atú dhi, mà dré tá Krísto ni nòzo kònini dhi, mà adré gòle véle akódhi ni no kònini ko. ¹⁷Di dhya àlo kàdré Krísto na dhi, akódhi nda móndí Gìká dré bhàle tódhyá adrélé móndí t́dhi ro dhi 'i. Tà àku ì akí dre. Mì nò rè ká! Tà títí dhi ì atsá tà t́dhi ro dre! ¹⁸Tà títí nda kòdhi ì angá Gìká vélesè. Akódhi nda amú àma tódhyá í be Krísto sè gò, àzì adrézó móndí ki adri ru amú tódhyá í be dhi ni bhàzo àma drígá. ¹⁹Tàko ko, Gìká adré móndyá títí bvò àdhya ki amú tódhyá í be Krísto na gò, adrézó véle àyi ki tàkonzì ki tà bha àyi dri ko. Di fè rúbí ru amuma tódhyá nda àdhya àma dré, mà kàdréro longóá móndí ì dré be dhi bvó.

²⁰Di ásà dhi, àma dhya adrébhá Krísto ni tà longó akódhi ni rú sè dhi 'i. Gìká ni tàndi adré móndí ki azì àma tí dhi nì. Mà adré di àmi ki ti lizí Krísto ni rú sè: Mì kòtayí àmi Gìká dré amulé tódhyá í be dhi wà! ²¹Tàko ko, Gìká bhà Krísto adrélepi tá tàkonzì àko nda atsálé tàkonzì ro àma ki tà sè, mà kàtsáró móndyá í dré bhàle gyăgya Krísto na dhi ì ró be dhi bvó.

6

¹Àma Gìká ni àzìamu ró dhi ì, mà adré àmi ki kodzó, mì kònòró Gìká ni togó tani mì dré kisulé dhi tà tàko ró ko. ²Tàko ko, Gìká adré tàá dhi:

«Lókyá áma togó tani tadházó dhi sè dhi, má yi tá mi.

Kitú mǒndí kǐ tidrízó dhi sè dhi, má ledé tá mi.»^e

Dì mì yì rè ká! Nyànomvá kònìdhi, lókyá Giká dré adrézó áyì togó tani tadhá dhi 'ì. Àndrò kònìdhi, kitú Giká dré adrézó mǒndí kǐ tidrí dhi 'ì.

Kizà Pólò dré nyàle, ìndì tà dré 'òle Giká ni àzì sè dhi i

³ Mà adré tà kitswábhá mǒndí kǐ 'o ledhélé tàkonzì na dhi kǐ 'o ko, à kòkitswáró tà ta kònzi àzì Giká dré bhàle àma dríagá dhi rú ko. ⁴ Be ró dhi, mà adré àma kǐ tadhá Giká ni màràbà i ró tà tíí i sè: Mà adré àma kǐ togó tsi kizà tíí mà dré adrélé nyàle dhi i na, ìndì tà kòkóròko adrèbhá atsálé àma rú dhi i na. ⁵ Lókyá àruka i sè dhi, à tswà àma, àma kǐ lebhézó bǎdzó na. À kodzó mǒndí i ligílé àma rú. Mà 'o àzì kòkóròko landèzo. Mà ko ayí ko, kó ngalè mà ayí tàbirí sè. ⁶ Mà adré àmakya tà 'o togó lólo sè, tà nìni sè, togó vwàvwà sè, togó dóro sè, Tírí Lólo ni rìnyí sè, ìndì lèle túrúpfú àko dhi sè. ⁷ Mà adré tà bàti ta, adrézó tà 'o Giká ni rìnyí sè. Mà adré àdzú ngá kǐ ru àma kǐ dríagó lésè ìndì àma kǐ lídzi lésè, adrézó tà gyàgya 'o ásà.^f ⁸ Mà adré Giká ni tà 'o, gba à kàdré àma kǐ lindrì bha yà, kó ngalè à kàdré kanyò fe àma dré yà dhi, gba à kàdré àma kǐ rú ta dóro yà, kó ngalè à kàdré àma kǐ rú ta kònzi yà dhi. À adré àma kǐ zi mǒndí kǐ litíbhá i ró, tákò mà adré àmakya tà bàti ta. ⁹ À adré àma kǐ no ngóro mǒndí nìle ko dhi i ró, tákò mǒndí bí dhi i nì àma be. À adré àma kǐ no ngóro mǒndí dràdrà mìle dhi i ró, tákò àma rè dhu lídrì fbe. À adré tà ño àma dri, di, à pfu ína àma dràle ko. ¹⁰ À adré kizà fe àma dré, di, mà adré àmakya lenzélé. À adré àma kǐ no lemerèbhá ro, di, mà adré àmakya mǒndí bí dhi kǐ 'o atsálé ngábhá ro. À adré àma kǐ no ngá àko na tíni, di, àma àmakya ngá tíí dhi fbe.

¹¹ Àmi Kòrítòbhá ni i, mà tà tà àmi dré ngádra 'á. Mà tadhá àma kǐ togó dóro àmi dré dre. ¹² Mà gà àma kǐ lèle tadhama àmi dré ko. Dì, mì gà àmikya àmi kǐ lèle tadhama àma dré dre. ¹³ Má adré tà kònìdhi ni ta àmi dré ngóro áma ànzi i dré dhi tíni: Mì kàdré àmi kǐ togó dóro tadhá àma dré wà, ngóro mà dré adrélé

^e6:2 À kònò Èsáyà 49:8.

^f6:7 «Àdzú ngá rùle dríagó lésè» kònì i, àdzú ngá adrézó kàribhá kǐ lavú ásà dhi 'ì. «Àdzú ngá rùle lídzi lésè» kònì i, àdzú ngá adrézó sùle dhyá rú dhi 'ì.

àmakya ni tadhá àmi dré dhi t́ni!

Ru amuma ḿndyá ka'ibhá ko dhi fbe ko dhi

¹⁴ Lè m̀ kàdré ru amú ḿndyá ka'ibhá ko dhi fbe ko. Tàko ko, tà gyăgya ni kitswá tsì ru su tà kónzi be bwà? Ngádra ni kitswá tsì ru amú t́nĩmvá be bwà?

¹⁵ Krísto ni kitswá tsì ru yi Dzáborò be bwà? Dì ḿndí Yésu ni ka'ilepi dhi ni kitswá ru su ḿndí ka'ilepi ko dhi be nǵningíni ró? ¹⁶ Gíká ni tépelò ni kitswá tsì ru yi gíká tàko fbe bwà? Tàko ko, àma Gíká lídrì ro dhi ni tépelò 'i. Ngóro Gíká ni tándi dré tàle dhi t́ni:

«Má ni adré àyi kòfalé,
adrélé atsílé t́mání àyi fbe.

Má ni adré àyi kì Gíká ro,
ì ni àyikya adré áma ḿndyá ì ró.^g

¹⁷ Dì Mírì adré tàá dhi:
M̀ kàpfò àyi kòfalésè,
àmi kì bha adréle twá àyi rúsè.
M̀ kòtabè ngá àlo ndĩ ró dhi ko gò,
má kòka'iró àmi.^h

¹⁸ Mírì rinyí líyí ro dhi adré tàá dhi:
Má ni adré àmi kì Atá ro,
m̀ ni àmikya adré áma ànzìàgo ì ró, ìndì áma ànzitòkó ì ró.»ⁱ

7

¹ Áma arúpi má dré lèle tò ni ì, mà dré adréle tà Gíká dré lazíle nda fbe dhi sè dhi, lè mà kòtemvé àma tà títí kitswábhá àma kì 'o atsálé ndĩ ró rúbhá na, ìndì togó na dhi ì sè. Mà kàdré kpà àma kì fe adréle lólo kitswále títí Gíká milésè,

^g6:16 À kònò Lèvítikè 26:12; Yèrèmíyà 32:38; Èzèkyélè 37:27.

^h6:17 À kònò Èsáyà 52:11; Èzèkyélè 20:34, 41.

ⁱ6:18 À kònò 2 Sàmùwélè 7:14; Èsáyà 43:6.

akódhi ni ròma na.

Pólò ni arí Kòrítòbhá ki tà sè dhi

² Mì kòka'ì àma dòle àmi ki togó na wà! Mà 'o àmakya dhya àlo kònzi ko. Mà kizá dhya àlo ni tà ka'ika'ì ko. Mà lití dhya àlo ngá kisúzó drígàsà dhi ko. ³ Má adré tà kòdhi ki ta kitswázó tà bha àmi dri ko. Tàko ko, ngóro má dré tàle àmi dré dre dhi t́ni dhi, àmi ki tà àma ki togó na. Mà ka'ì kpà adréle t́mání àmi íbe, kàdré lídrì na yà, kó ngalè dràdrà na yà dhi. ⁴ Má adré àmi ki tà ka'ì tà bàti ró, adrézó drì bha kuru àmi ki tà sè. Dì áma togó andrì gò, má dré adrézó gàle arí sè b́, tágba mà dré adrézó kizà nya lavúlé dhi.

⁵ Tàko ko, mà dré tá atsázó Màkèdònyà 'a dhi, mà kisú tá lókyá lovózó dhi àlomvá ko. À fè tá kizà àma dré láti títí i sè. Àma tá lawà íbe àma rú, adrézó kpà tirì íbe àma léna. ⁶ Dì, Giká adrélépi móndí kizà ro dhi ki togó tindrì dhi, tindrì ína àma ki togó Títò ni atsama sè. ⁷ Dì, ngbà 'í akódhi ni atsama sè ko, tindrì kpà àma ki togó, àmi ki tàndi m̀ dré tá kpà akódhi ni togó tindrìle dhi sè. Tàko ko, akódhi títí tá àma dré, àmi ki lovó áma nòzo dhi ni tà, àmi ki kizà tà ru 'òlepi dhi sè dhi ni tà, ìndì àmi ki togó àtsi ró áma tà sè dhi ni tà. Dì áma togó dré gòzo véle gàle arí sè wáláká ni ni lavú.

⁸ Tágba má dré tá kizà fèzo àmi dré áma wárágà sè dhi, áma togó ína kizà ro tà nda sè ko. Tà bàti ró dhi, áma togó tá kizà ro, lókyá má dré yìzoá tàle dhi, wárágà nda fè tá kizà àmi dré, tágba dré tá adrézó ngbà 'í lókyá tsà sè dhi. ⁹ Dì, nyànomvá dhi, má adré mána lenzélé. Má adré lenzélé àmi ki kizà nda sè ko, be ró dhi, àmi ki kizà nda dré àmi ki 'òle togó ladzá dhi sè. Tàko ko, m̀ atsá tá àmikya kizà ro ngóro Giká dré tá lèle dhi t́ni. Ásà dhi, mà 'o àmi kònzi àlomvá ko. ¹⁰ Àngyá ko, à kàdré kizà ro ngóro Giká dré adréle lèle dhi t́ni dhi, kizà nda adré dhyá ki 'o togó ladzá, à kàdrìró be dhi bvó. Dì kizà làsú be kònini nda kitswá gile dhyá léna bwà ko. Dì, kizà bvò kòndi àdhyá adré ína dhyá ki dri lile dràdrà na. ¹¹ Mì nò rè ngalè kizà m̀ dré nyàle ngóro Giká dré tá lèle dhi t́ni nda 'o tà dóro àmi léna ngíni ya dhi ká! Kizà nda 'o àmi ki togó atsále àtsi ró adréle tà 'o lovó sè, adréle àmi ki tàrá ga, adréle tàkonzì ga, adréle ngá ro, adréle lovó íbe áma nòzo, ìndì

adrélé gànzi ró tà ño gyǎgya dhya tàkonzì 'òlepi dhi dri. Dì láti títi nda ì sè dhi, mì tadhá ngádra 'á dhi, àmi tà àko àmi rú tà nda sè dhi dre. ¹² Má tisì tá wáràgà nda àmi dré, dhya tà kònzì 'òlepi nda ni tà sè ko, ìndì dhya tà kònzì nda ni 'òzo rúá dhi ni tà sè ko. Be ró dhi, má tisì mána wáràgà nda, mì kònòró ngádra 'á Gìkà kandrá dhi, àmi àtsi ró àma ki tà sè ngíni ya dhi. ¹³ Tà nda kòdhi ì sè dhi, Gìkà tindrì àma ki togó dre.

Túmání àma ki togó tindrìma nda be dhi, mà lenzé tá lavúlé, mà dré nòle ngalè mì fè tá arí Títò dré ngíni ya dhi sè. Tàko ko, mì 'o akódhi ni togó atsálé kìdrìkìdrì dre. ¹⁴ Atú dhi, má tà tá akódhi dré àmi ki tà, áma drì bhàzo kuru ásà gò, mì dré kanyò fèzo má dré ko. Ngóró tà títi má dré tàle àmi dré dhi ì dré adrélé tà bàti 'ì dhi tìni dhi, àmi ki tà títi má dré tàle drì be kuru Títò kandrá dhi ì tá kókpà tà bàti 'ì. ¹⁵ Nyànomvá dhi, akódhi ni lèle àmi véna dhi atsá véle kàdrì wáláká ni ni lavú, dré adrérà'a kisùá dhi, mì ka'ì tá àma ki kúlí 'òle, ìndì mì ka'ì tá ì dòle àmi véna ngá ròma sè ìndì togó yàyà sè ngíni ya dhi 'á. ¹⁶ Má adré di lenzélé, má dré kitswálé àmi ki ka'ì tà títi ì sè dhi sè.

8

Pólò kodzó Kòrítòbhá ì ngá lokó fèle móndí ka'ìbhá àruka ì dré

¹ Áma adrúpi ì, má adré lèá dhi, mì kònì tà Gìkà dré 'òle áyi togó tani sè Èkèlézyà Màkèdòníyà le dhi ì 'ásè dhi be. ² Tágba kizà kàdrì dré tá adrézó móndyá ka'ìbhá nda ki tabhì lavúlé dhi, àyi ki arí kàdrì túmání àyi ki lemerè be dhi ì 'o tá àyi ki togó atsálé àtsi ró ngá fe móndí àruka ì dré. ³ Má adré tà bàti ta àmi dré: Ì fè ngá ì dré kitswálé fèle bwà dhi ì títi. Bàti, ì fè ngá nda ì àyi ki rinyí lavú byá. Àyi ki tàndì ì kisù tá tà nda 'òle drìdrì gò, ⁴ ì dré àma ki ti lizízó tà tàndì ró, mà kòfèró láti àyi dré drígá bhàzo túmání móndí àruka ìbe, ngá fe móndyá ka'ìbhá Yèrúsalmà na dhi ì dré.^j ⁵ Dì tà ì dré 'òle nda lavú tà mà dré tá kisùle dhi byá. Tàko ko, ì fè tá rè zyà àyi ki tàndì ì Mírì dré 'íká gò, ì dré àyi ki fèzo àma

^j8:4 À kònò Rómà 15:26.

dré ndò, ngóró Gìká dré tá lèle dhi t́ni.

⁶ Dì àsà dhi, mà lizí Títò ni ti, kògòró àmi véna àmi kí kodzó tà dóro mì dré tá kidhólé 'òle dhi ni 'o kitswálé títí be dhi bvó. Tàko ko, akódhi nda kidhó tá àmi kí kodzólé drìdrì, mì kòlokóró ngá fèle móndí àruka i dré dhi nì. ⁷ Ngóró mì dré adrélé tà dóro 'o lavúlé àmi kí tà ka'ika'i sè, àmi kí kúlí i sè, àmi kí tà nìni sè, àmi kí togó àtsi ró dhi sè, ìndì àmi kí lèle àma vélé dhi sè dhi t́ni dhi, mì kò'o kókpà tà dóro nda kòdhi, ngá fèzo móndí àruka i dré àmi kí togó wáyí sè.

⁸ Kòdhi má adré tòlí bha àmi dri ko. Be ró dhi, má adré mána àmi kí lèle tabhì móndí àruka togó fbe àtsi ró dhi kya rú, nìzoá ngalè àmi kí lèle nda lèle bàti 'i ya dhi. ⁹ Tàko ko, mì nì tà àma kí Mírì Yésu Krísto dré 'òle áyi togó tani sè dhi be. Tágba dré tá adrézó ngá líyí ro dhi, 'o i atsálé lemerè ro àmi kí tà sè, mì kàtsáro ngábhá i ró akódhi ni lemerè sè.

¹⁰ Dì má adré àmi kí drì ta àmi kí ledézó kònìni: Kóná lavúlépi dhi sè dhi, àmi tá móndyá tà nda ni lebhá 'òle drìdrì dhi 'i. Àmi tá kókpà móndyá kidhóbhá ngá lokó kitswálé fèle móndí àruka i dré drìdrì dhi 'i. ¹¹ Dì nyànomvá dhi, mì kò'o tà nda kitswálé títí, ngóró mì dré tá tà nda ni lèle 'òle togó wáyí sè dhi t́ni. Mì kòfè ngá nda i ngóró mì dré kitswálé fèle bwà dhi t́ni. ¹² Tàko ko, dhya àlo kàdré ngá le fèle togó wáyí sè gò, dré adrézó fèá ngóró dré kitswálé fèle bwà dhi t́ni dhi, Gìká adré ngá nda ni ka'i. Àngyá ko, Gìká adré ngá dhya nda dré adrézó ába dhi ni no kòdhya. Adré ngá akódhi dré adrézó ába ko dhi ni no kòdhya ko.

¹³ Má adré lèá ko, mì kàdré ngá fe móndí àruka i dré atsázó ngábhá ro gò, mì dré àmikya atsázó lemerèbhá ro dhi. Be ró dhi, má adré lèá dhi, àmi títí mì kàdré tà 'o àmi kòfalésè adrézó díri. ¹⁴ Dì àmi adrèbhá ngá fbe bí nyànomvá dhi i, mì ni kitswá móndyá adrèbhá lemerè ro dhi kí ledé. Dì lókyá mì dré dra adrézó lemerè ro gò i dré adrézó ngá fbe bí dhi sè dhi, i ni kitswá àyikya àmi kí ledé. Kònìni dhi, mì ni adré díri. ¹⁵ Ngóró tísìle Gìká ni Kúlí na dhi t́ni: «Dhya ngá lokólépi bí dhi tá ngá fbe bí lavúlé ko, ìndì dhya ngá lokólépi tsà dhi, ngá pí akódhi ko na.»^k

Pólò mù Títò i àziàmu ni fbe Kòrítò na

^k8:15 À kònò Pfòma 16:18.

¹⁶ Mâ adré àwoyà fe Giká dré, dré Títò ni togó 'òle atsálé àtsi ró àmi ki tà sè àmakya t́ni dhi sè. ¹⁷ Àngyá ko, Títò ka'ì tà mà dré zìle í tí nda 'òle gò, adrézó lile àmi véna lovó sè, ngóro dré lèlè 'òle nì dhi t́ni. ¹⁸ Mâ adré kpà àma ki adrúpi àlo dhi ni mu lile t́mání Títò be. À adré akódhi nda ni tà bha kuru Èkèlézyà títi í 'ásè, àzì dré adrélé 'òle Rúbí Tani ni tà sè dhi sè. ¹⁹ Ngbà 'í kòdhi ko, Èkèlézyà ì kipè tá akódhi lile t́mání àma íbe, mà kàdzíró ngá fèle nda í móndyá ka'ìbhá Yèrúsalmà na dhi í dré, kitswázó Mírì ni tàndi ni lindri bha, ìndi àma ki togó àtsi ró móndí ki ledézó dhi ni tadhá. ²⁰ Mâ adré lèá dhi, tà kitswázó àma ki asíkì ngá bí bhàle àma drígá nda ki tà sè dhi kàdré yókódhó. ²¹ Tàko ko, mà adré tà títi dhi ki nda 'òle dóro Mírì mìlésè, ìndi móndí í mìlésè.

²² Kòdhi íbe dhi, mà adré kpà àma ki adrúpi àzya mu lile àyi nda íbe àmi véna. Mâ tabhì akódhi nda vésè be bí ìndi láti twátwa í sè bí gò, dré àyi togó tadházó àtsi ró. Nyànomvá dhi, akódhi ni togó véle àtsi ró lavúlé, dré àmi ki tà ka'ile bàti dhi sè. ²³ Kàdré Títò ni tà sè dhi, akódhi àma arúpi 'i, ìndi àma àziàmú àmi kòfalé dhi 'i. Kàdré àma ki adrúpi àruka nda ki tà sè dhi, àyi dhya Èkèlézyà ì dré mùle kitswálé lindri fe Krísto dré dhi 'i. ²⁴ Di àsà dhi, mì kòtadhá àyi dré àmi ki lèlè bàti, Èkèlézyà títi dhi ì kòniró tà mà dré adrézó dri bha kuru àmi ki tà sè dhi be dhi bvó.

9

Ngá lokólé móndyá ka'ìbhá Yèrúsalmà na dhi í dré dhi ki tà

¹ Kàdré di ngá mì dré adrélé lokólé fèle móndyá ka'ìbhá Yèrúsalmà na dhi í dré nda ki tà sè dhi, lè tá má kòtisì tà tà nda dri àmi dré ko. ² Tàko ko, má nì tàle dhi, àmi ki togó àtsi ró àyi nda ki ledézó dhi be. Má adré dri bha kuru tà nda sè, adrézó tàá móndyá Mākèdòníyà le dhi í dré dhi, kidhólé kóná lavúlépi dhi sè dhi, àmi adrèbhá Àkáyà na dhi í gànzi ró adrélé ngá fe. Di àmi ki togó àtsi ró nda 'o móndí bí àyi kòfalé dhi ki togó atsálé kókpà àtsi ró ngá fe dhi nì. ³ Di, tágba kònini dhi, má adré àma ki adrúpi kòdhi ki mu lile àmi véna, kitswálé àmi ki tà mà dré adrézó dri bha kuru àsà nda kàtsáro tà tàko ró ko. Be ró dhi, má adré lèá

dhi, m̀ kàdré àmíkya g̀anzi ró ngá fe, ngóro má dré tàle àmi k̀i tà sè dhi t̀ni.

⁴ Tàko ko, mà kòtsa tá àmi véna tùmáni m̀ndí àruka Màkèdòníyà lésè dhi f̀be gò, mà dré àmi k̀i kisúzó g̀anzi ró ko dhi, kònò mà ni tá adré kanyò ro tùmáni àmi f̀be, mà dré tá àmi k̀i tà ka'ile tò dhi sè. ⁵ Dì ásà dhi, má nò tá dóro ni, má dré adrúpi nda k̀i mùle l̀ile dr̀dr̀i má kandrána, àmi k̀i kodzó ngá m̀ dré lazilé togó dóro sè nda k̀i lokó adrélé g̀anzi ró dhi. M̀ kò'o kònini dhi, m̀ ni kitswá ngá nda k̀i fe togó dóro sè. M̀ kitswá f̀éá ngóro à ru tá àmi r̀nyí sè f̀éá na t̀ni ko.

⁶ Ngóro m̀ dré ǹile be dhi t̀ni dhi, dhya ángùdhi adrélépi kór̀i r̀i tsà dhi, adré kókpa ngá akónà tsà. Dì, dhya ángùdhi adrélépi kór̀i r̀i b̀i dhi, adré kókpa ngá akónà b̀i. ⁷ Lè àmi àlo àlo títí dhi i m̀ kàdré ngá fe ngóro m̀ dré kisùle dr̀dr̀i àmi léna dhi t̀ni. Dì, m̀ kàdré àmíkya ngá fe togó kizà ro dhi sè ko, ìndì ngóro t̀l̀i bhàle àmi dri dhi t̀ni ko. Tàko ko, G̀iká adré dhya adrélépi ngá fe arí sè dhi ni ka'ì kòdhya. ⁸ Dì G̀iká r̀nyí f̀be kitswázó ngá fe g̀ale àmi dr̀gá b̀i áyi togó tani sè, kitswálé tà títí i sè dhi, m̀ kàdréro ngbú adrélé ngá títí m̀ dré adrézó lovó ni f̀be dhi f̀be, adrézó kpà tà dóro títí m̀ dré adrélé l̀ele 'òle dhi k̀i 'o be dhi bvó. ⁹ Ngóro tis̀le G̀iká ni Kúlí na dhi t̀ni:

«Akódhi lanzí áyi ngá i lemerèbhá i dré.

Akódhi ni tà gyàgya ni adré kóná vésè kólyá.»¹

¹⁰ Dì G̀iká adrélépi kór̀i fe m̀ndí i dré r̀ile, ìndì adrélépi m̀pà fe àyi dré nyàle dhi ni kór̀i títí m̀ dré adrézó lovó ni f̀be dhi k̀i fe àmi dré, adrézó 'òá mbàle, m̀ kòkitswáro tà dóro 'o togó dóro sè, adrézó l̀ò'wa dóro 'a lavúlé. ¹¹ A ni ngá fe g̀ale àmi dr̀gá b̀i láti títí i sè, m̀ kòkitswáro ngbú adrélé ngá fe m̀ndí i dré gò, i kàdréro àwoyà fe G̀iká dré ngá m̀ dré adrélé f̀ele àyi dré àma dr̀gá dhi k̀i tà sè.

¹² Tàko ko, ngá m̀ dré adrélé f̀ele kòdhi k̀i ngbà 'í m̀ndyá ka'ìbhá Yèrusalémà na dhi k̀i ledé kòdhya ko. Ngá nda k̀i kókpa m̀ndí b̀i dhi k̀i 'o àwoyà fe G̀iká dré.

¹³ Tà dóro m̀ dré adrélé 'òle, adrélépi àmi k̀i tà dóro tadhá nda sè dhi, m̀ndí b̀i dhi k̀i G̀iká ni rú bha kùle, m̀ dré tà Krísto ni Rúbí Tani dré adrélé tàle dhi k̀i ka'ile 'òle dhi sè, ìndì m̀ dré adrélé ngá fe àyi dré ìndì m̀ndí àruka i dré togó

dóro sè dhi sè. ¹⁴ Ì ni kpà tà zi Gìkà tí àmi dré togó wáyi sè, dré áyi togó tani bhàle àmi rú lavúlé dhi sè. ¹⁵ Mà kàdré àwoyà fe Gìkà dré, tà tani dré afèle, kitswázó àndu ni ni ngi bwà ko nda ni tà sè!

10

Pólò ga áyi tàrà àzì Gìkà dré bhàle í drígá dhi ni tà sè

¹ Ma, Pólò, má adrè àmi ki kodzó togó dóro ìndì yàyà angálépi Krísto vélésè dhi sè. Má nì dóro tàle dhi, móndí àruka ì adrè tàà dhi, má kàdré àmi kòfalé dhi, ma móndí yàyà 'i dhi. Dì, áma wárágà ì 'àsè dhi, má adrè mána tà ta rìnyí sè. ² Dì má adrè àmi ki ti lizí, má kònì dra tsa àmi véna dhi, mì kò'oró ma àmi ki àruka ki lotó rìnyí sè ko. Tàko ko, kòkitswá dhi, má ni tà ta rìnyí sè móndí àruka adrèbhá kisùá dhi, mà adrè tà 'o móndyá bvò àdhya kya tìni dhi ì dré. ³ Àngyá ko, tágba mà dré adrézó bvò kònìdhi lé dhi, mà adrè àmakya àdzú bhu móndyá bvò àdhya kya tìni ko. ⁴ Àdzú ngá mà dré adrézó àdzú bhu àsà dhi ì, àdzú ngá bvò kòndi àdhya 'i ko. Be ró dhi, àyi àyikya àdzú ngá rìnyi ró Gìkà àdhya, mà dré adrézó àma ki kàribhá ki rìnyí adrézó àdzú bhu 'àsà dhi ni pfu dhi 'i. Mà adrè dì tà kayikayi títi kinzò ro dhi ki pfu, ⁵ tùmání tà títi drìkàdrì ro adrèbhá ru pfu Gìkà ni tà nìni rú dhi íbe. Mà adrè kpà tà kisùle títi dhi ki turú tobhàle Krísto ni rìnyí zàle. ⁶ Dì mì kòbhà àmi ki tàndì ì Krísto ni rìnyí zàle kitswálé títi dre dhi, mà ni adrè gànzi ró tà ño móndyá àruka títi adrèbhá dhu rè ligílé dhi ì dri.

⁷ Mì adrè àmikya ngbà 'í ngá no àyi ki làsú sè. Lè dhya ángùdhi adrélépi ka'íá dhi, ì móndí Krísto àdhya 'i dhi, kònì tàle dhi, àma kókpà móndí Krísto àdhya 'i ì tìni dhi. ⁸ Tágba má kàdré áma afà rìnyí Mírì dré afèle àma dré dhi ni tà sè lavúlé yà dhi, ma kanyò ro rìnyí nda sè ko. Tàko ko, Mírì afè rìnyí nda àma dré kitswázó àmi ki tà ka'ika'ì kizá ko, be ró dhi, kitswázó àmi ki tìmbà àmi ki tà ka'ika'ì na dhi bvó. ⁹ Dì má lè mì kàdré kisùá ko tàle dhi, má adrè àmi ki línдрí le tigálé áma wárágà ì sè dhi. ¹⁰ Àngyá ko, móndí àruka ì adrè tàà dhi: «Akódhi ni wárágà ì 'àsè dhi, adrè tà ta kúlí lanzìlanzi ì sè ìndì rìnyí sè. Dì, kàdré àma kòfalé dhi, akódhi ína móndí yàyà 'i, ìndì akódhi ni kúlí ì kúlí tàko 'i.» ¹¹ Lè móndyá

adrébhá tà ta làsú be kònini nda ì kònì dhi, mà ni tà 'o rinyí sè àmi kòfalé, ngóro mà dré adrélé tà ta rinyí sè àma ki wárágà ì 'àsè dhi tíni.

¹² Mà kitswá àma ki amú móndí àruka adrébhá àyi ki tàndi ki tà dóro tadhá dhi fbe bwà ko. Mà kitswá kpà àma ki tabhì àyi nda ì rú ko. Àyi nda ì kàdré àyi ki tabhì àyi ki tàndi ì kòfalésè, ìndì àyi ki tàndi ì rú dhi, àyi tògyá àko. ¹³ Di, àma ró dhi, mà kitswá àmakya àma ki afà àma ki tàndi ki bvó lavú dhi ko. Be ró dhi, mà ni ngbà 'í àma ki afà tsàle byá àzì Gìká dré bhàle àma drígá dhi ni bvó na. Àzì nda ni bvó tsa byá àmi véna. ¹⁴ Mà adré di àma ki afà lavulé ko, ngóro mà tsa tá àmi véna ko na tíni. Tàko ko, mà tsa byá àmi véna Krísto ni Rúbí Tani be dhi 'í.

¹⁵ Mà kitswá kpà àma ki afà àma ki bvó lavú, àzì móndí àruka ì dré 'òle dhi ki tà sè ko. Di, mà adré àmakya mì bha, mì kàdréro lile àmi ki tà ka'ika'i be drìdrì, àma ki àzì àmi kòfalé dhi kàdréro kpà lile drìdrì, ¹⁶ mà kòkitswáro lile Rúbí Tani longóbe bvò vwàvwà ro àmikya rúsè dhi ì 'àsè. Tàko ko, mà lè àma ki afàle àzì móndí àruka ì dré 'òle àyi ki àrà ì 'àsè dhi ki tà sè ko. ¹⁷ Di, ngóro Gìká ni Kúlí dré adrélé tàle dhi tíni: «Lè dhya adrélépi áyi afà dhi kàdré áyi afà tà Mírì dré 'òle dhi ki tà sè.»^m ¹⁸ Tàko ko, Mírì adré dhya adrélépi áyi tàndi ni tà dóro tadhá dhi ni ka'i kòdhya ko. Be ró dhi, adré ina dhya í dré adrézó tà dóro ni ni ka'i dhi ni ka'i kòdhya.

11

Pólò kodzó Kòrítòbhá ì àpóstolò kinzò ro dhi ki tà sè

¹ Má adré leá dhi, mì kòtayí ma tà ta tsà ngóro móndí azaaza àdhya tíni, ngóro mì dré adrélé 'òle dhi tíni. ² Ma lovó fbe àmi ki tà sè tò, ngóro Gìká ni tàndi dré kpà adrélé lovó fbe àmi ki tà sè tò dhi tíni. Tàko ko, má zì àmi adrélé agó àlo kwákwá, Krísto dré, má kòfèró àmi akódhi dré ngóro tòkó lólo àgo tà nilepi rè ko dhi tíni. ³ Di, má adré mána ngá ro àmi ki tà sè. Ngóro ni dré tá Évà ni litlé áyi túrúpfú tà sè dhi tíni dhi, à ni kitswá kpà àmi ki tà kisùkisù lití, mì kòtayíró tròma

^m10:17 À kònò Yèrèmyà 9:23; 1 Kòrítòbhá ì 1:31.

Krístico rú togó lólo sè dhi be dhi bvó. ⁴Tàko ko, à kòtsa adrélé Yésu twá dhi ni tà longó Yésu mà dré tà ni ni longózó dhi rúsè dhi, mì adré àmíkya tà nda ni ka'ì mbèlè. À kàdré kó àmi ki kodzó tírì twá kisú Tírì Lólo mì dré kisúlé dhi rúsè dhi, mì adré kpà ka'íá mbèlè. À kàdré kó àmi ki kodzó rúbí tani twá ka'ì Rúbí Tani mì dré ka'ìle dhi rúsè dhi, mì adré kókpà ka'íá mbèlè. ⁵Má mìlésè dhi, dhya àmi kòfalé adrèbhá àyi ki no àpóstolò kàdrì ì ró dhi ì lavú ma àlomvá ko. ⁶Tágba má kòkisú tògyá adrézó kúlí ta dóro dhi ko yà dhi, ma mána tà nìni íbe. Má tadhá tà nda àmi dré ngádra 'á tà tíí ì sè ìndì láti tíí ì sè dre.

⁷Lókyá má dré Rúbí Tani Giká àdhya ni longózó àmi dré làfa sè ko dhi sè dhi, má 'o tá tsì tàkonzè, má dré tá áma tà tírìlé kitswázó àmi ki tà tíngá kuru dhi sè dhi 'í? ⁸Má ka'ì tá làfa kisúlé Èkèlézyà àruka ì drígàsè, kitswázó àzì 'o àmi kòfalé dhi bvó. ⁹Di má dré tá adrérà'a àmi véna, adrélé ngá lovó íbe dhi 'á dhi, má zi tá ngá àlo àmi ki àlo tí ko. Tàko ko, àma ki adrúpi atsábhá Màkèdòníyà lésè dhi ì afè tá ngá má dré tá adrézó lovó ni íbe dhi ì àyi. Tà tíí ì sè dhi, má tayí tá áma tà lanzìle àmi dri dhi ko. Di má ni go adrélé 'òá kònìni. ¹⁰Má adré tàá tà bàti Krístico àdhya adrélépi má léna dhi sè dhi: Dhya àlo bvò wáyì Àkáyà àdhya na dhi kitswá áma afàma tà nda sè dhi ni kíkí bwà ko. ¹¹Má adré tàá kònìni àdho tà sè? Má dré àmi ki lèle ko dhi sè? Giká ni tàndì nì dóro, má lè àmi 'í káyà dhi!

¹²Di, má ni go adrélé tà 'o ngóro má dré adrélé 'òle dhi tíni, kitswázó láti kíkí dhya adrèbhá àyi ki 'o nòle ngóro àma tíni gò, ì dré adrézó àyi ki afà tà nda sè dhi ì dré. ¹³Dhya nda ì àpóstolò kinzò ro dhi 'ì, ìndì àzì 'obhá túrúpfú sè dhi 'ì. Ì adré àyi ki ladzá atsálé ngóro Krístico ni àpóstolò ì tíni. ¹⁴Di, áma líndrì adré ína gàle tà nda sè ko. Tàko ko, Sàtánà ni tàndì adré àyi ladzá atsálé ngóro ángéló ngádra àdhya tíni. ¹⁵Di akódhi ni màràbà ì kàdré àyi ki ladzá atsálé ngóro móndí adrèbhá tà gyägya 'o dhi ì tíni dhi, tà nda adré áma líndrì tígá ko. Di, lókyá kùdù sè dhi, ì ni àyíkya tà kitswálépi tà ì dré 'òle dhi ì sè dhi ni kisú kòdhya.

Kizà Pólò dré nyàle Giká ni àzì sè dhi ì

¹⁶Má adré gòle tàá dhi: Lè mì kònò ma ngóro móndí azaaza tíni, má dré adrélé tà ta kònìni dhi sè ko. Di, mì kàdré àmíkya áma no kònìni dhi, mì kòka'ì ma

ngóró mómńí azaaza tíni, má kòkítswáró áma afà tsà be dhi bvó. ¹⁷ Bàti, má kàdré áma afà kònìni dhi, má adré tà ta ngóró Mírì dré adrélé lèle dhi tíni ko, be ró dhi, ngóró mómńí azaaza dré adrélé tàle dhi tíni. ¹⁸ Dì, mómńí bí dhi ì dré adrélé àyi ki afà mómńyá bvò àdhya kya tíni dhi sè dhi, má ni kókpà áma afà kònìni. ¹⁹ Àmi adrèbhá àmi ki no tògyabhá ro ni i, àmi gànzi ró adrélé mómńí azaaza ki ka'ì togó wáyì sè! ²⁰ Tà bàti ró dhi, mì adré mómńí ki ka'ì, gba ì kàdré àmi ki bha àyi ki màràbà ì ró yà, ì kàdré àmi ki lití yà, ì kàdré àmi ki ngá topá yà, ì kàdré àmi ki no mómńí tàko ì ró yà, kó ngalè ì kàdré àmi ki mì sa yà dhi. ²¹ Má adré tàá kanyò sè dhi, mà 'o tá tà àmi kòfalé rìnyí sè mómńyá nda kya tíni ko!

Dì, tà ángùdhi mómńí àruka ì dré kítswázó àyi ki afà ásà dhi, má ni kókpà kítswá 'òá kònìni. (Kòdhi má adré tà ta mómńí azaaza àdhya tíni.) ²² Àyi nda ì Èbére 'ì? Ma kókpà kònìni. Àyi Ìsèrélè ànzi 'ì? Ma kókpà kònìni. Àyi Àbàràma ni toyó 'ì? Ma kókpà kònìni. ²³ Àyi Krísto ni màràbà 'ì? (Kòdhi má adré tà ta tírí kiza líyí àdhya tíni.) Ma kókpà kònìni àyi ki lavú. Má 'o mána àzì kòkóròko àyíkya ki lavú. À lebhé ma bãdzó na vésè be bí àyi ki lavú. À tswà ma vésè be bí àyi ki lavú. Ma tá ànyi dràdrà mìle vésè be bí. ²⁴ Vésè be nzi, Yúdà ànzi ì bhwà ma fímbò sè vésè be nyadhi-àlo-drì-mudrí-drì-nzi-drì-su. ²⁵ Vésè be na, à tswà ma fa sè. Vésè be àlo, à lebhé ma kírà sè. Vésè be na, bwátù arí áma tayí yí mi. Ma tá yíandre mi ngátsi àlo ìndì kítú àlo. ²⁶ Vésè be bí, má to atsí lizo vwàvwà ro. Má nya kizà yí liti ì sè, kùgú ì drígá, áma sùrú ì drígá, mómńí sùrú twá ro dhi ì drígá, ìndì adrúpi kinzò ro dhi ì drígá. Má nya kpà kizà bhàandre ì 'àsè, duku ì 'àsè, ìndì yíandre ì mǐsè. ²⁷ Má 'o àzì kòkóròko landèzo lavúlé. Vésè be bí, má ko ayí ko. Tàbirí ndè ma, yí lovó be. Vésè be bí, ngá nyàle dhi pì ma. Kìdhì ndè ma, ìndì ma tá kítá àko. ²⁸ Má kítswá tà àruka títi dhi ki ta ko. Dì, kítú àlo àlo títi ì sè dhi, má adré mána áma togó bha lanzìle Èkèlézyà títi dhi ki tà sè. ²⁹ Dhya àlo kàdré yàyà dhi, ma kókpà yàyà. À kò'o dhya àlo dhèle tàkonzì na dhi, áma togó adré aswálé tà nda sè.

³⁰ Dì kòkítswá má dré adrézó áma afà dhi, má ni áma afà tà adrèbhá áma tà yàyà ki tadhá dhi ì sè. ³¹ Giká áma ki Mírì Yésu ni Atá, kítswálépi rúku sè kóná vésè kólyá dhi, nì dóro tàle dhi, má adré kinzò ta ko dhi. ³² Lókyá má dré tá adrérà'a

Dàmàsékè na dhi 'á dhi, gùvèrènére adrélépi tá ópí Àrètà zàle dhi bhà tá sòdá i adrélé bhàandre nda ni zèrìbàti kì líkí, ì kòkìtswáró áma ru be dhi bvó. ³³ Di, à bhà ma kánzì na, áma 'òzo pfòle mòlísà àlo zèrìbà na dhi 'ásè, áma tírízó gò, má dré lapázó gùvèrènére nda drígàsè.

12

Tà lùzu ró Gìkà dré tadhálé Pólò dré dhi i

¹ Adré làá dhi, má kògò adrélé áma afà, tágba kàdré tà dóro 'i ko yà dhi. Di má ni ngá agábhá má mi toróbí tìni dhi kì tà ta, tùmání tà lùzu ró Mírì dré tadhálé má dré dhi íbe. ² Má ni agó àlo Yésu Krísto ni ka'ìlepi dhi be. Lavú dre kóná mudrí-drì-su, Gìkà do tá akódhi kurú na, bhù kurú na àzya ni kì lavúlépi dhi na. Di má ni ko ngalè Gìkà do tá akódhi rúbhá na yà, kó ngalè rúbhá na ko yà dhi. Gìkà ni ngbà 'í nì. ³⁻⁴ Di má ni, Gìkà do tá akódhi nda pàràdísò na dhi be. Kàdré tà rúbhá na yà, kó ngalè rúbhá na ko yà dhi, má ni ko. Gìkà ni nì. Di kònàle dhi, akódhi yi tá tà kìtswázó tà ni ni ta kúlí sè bwà ko, à dré logálé móndí dré tàle dhi i kòdhyà. ⁵ Má ni áma afà dhya làsú be kònìni nda ni tà sè. Di, má kìtswá mána áma afà áma tàndì ni tà sè ko, kàdré ngbà 'í áma tà yàyà kì tà sè ko dhi. ⁶ Kònò má kàdré tá áma le afàle áma tàndì ni tà sè dhi, má ni tá adré móndí azaaza 'i ko. Tàko ko, má ni tá adré tà bàti ta kòdhyà. Di, má adré mána tà nda ni le 'òle ko, dhya àlo kònòró ma kàdrì ngóró dré kìtswálé tà má dré adrélé 'òle ìndì tàle dhi i sè ko dhi tìni ko.

⁷ Di, kìtswázó áma kíkí, má kàtsáró drìkàdrì ro tà kàdrì lùzu ró tadhálé má dré nda kì tà sè ko dhi, à bhà ngá kùtsí tìni dhi áma rúbhá na. Ngá nda ngá Sàtánà dré amùle kìtswálé kizà fe má dré dhi 'i, má kàdréro drìkàdrì ro ko dhi bvó. ⁸ Vèsè be na, má lizí tá Mírì ti, kòtìngáró tá ngá nda má rúsè ká. ⁹ Di, akódhi logó má dré dhi: «Áma togó tani kìtswá mí dré dre. Tàko ko, má adré áma rìnyí 'o kìtswálé títi ámi tà yàyà na.» Di àsà dhi, má ni mána áma afà áma tà yàyà kì tà sè, Krísto ni rìnyí kàdréro tà 'o má léna be dhi bvó. ¹⁰ Má adré di lenzélé áma tà yàyà kì tà sè, làdhá adrélé dhàle má rú dhi kì tà sè, tà kòkòróko kì tà sè, áma mì pfòma ni tà sè,

ɛ̀ndi kizà má dré adrélé nyàle Krísto ni tà sè dhi ki tà sè. Tàko ko, má dré adrérà'a yàya dhi 'á dhi, ma rinyi ró.

Pólò ni togó lanzì Kòrítòbhá ki tà sè

¹¹ Má kòtá tà ngóro mómí azaaza àdhyá t́ni dhi, m̀ 'o ma adrélé tà ta kònini dhi àmi. Adré tá be lèá dhi, m̀ kàdré áma tà dóro ki tadhá dhi àmi. Tàko ko, dhyá àmi kòfalé adrèbhá àyi ki no àpòstolò kàdrì i ró dhi i lavú ma àlomvá ko, tágba má kàdré mána mómí tàko 'i yà dhi. ¹² Lókyá má dré tá adrérà'a àmi kòfalé dhi 'á dhi, má 'o tá tà línríga ró adrèbhá tá Giká ni rinyí tadhá dhi i landè àko ró, tadházóá dhi, ma àpòstolò 'i káyà dhi. ¹³ Tà dóro títi má dré tá 'òle Èkèlézyà àruka i 'ásè dhi i, má 'o kókpà àmi kòfalé 'í. Di, má tayí mána áma tà lanzile àmi dri dhi ko. M̀ kòtrì di tà kònzì má dré 'òle àmi rú nda kòdhi!

¹⁴ Kòdhi vésè ni na má dré adrézó 'òle lile àmi véna dhi 'i. Di má kitswá áma tà tayí lanzile àmi dri dhi ko. Tàko ko, má adré àmi ki ngá nda kisúlé kòdhyá ko. Be ró dhi, má adré mána àmi ki tàndi ki nda kisúlé kòdhyá. Adré lèá dhi, ànzimvá i kàdré ngá lokó fèle àyi ki tibhá i dré dhi àyi ko. Adré di be lèá dhi, ànzi ki tibhá i kàdré ngá lokó fèle àyi ki ànzi i dré dhi àyi. ¹⁵ Ma ró dhi, ma gànzi ró áma ngá fe akílé títi àmi dré, ɛ̀ndi áma tàndi ni fe wáyi àmi dré. Di, má kàdré àmi ki le lavúlé dhi, m̀ ni go adrélé áma le tsà?

¹⁶ Di m̀ ni ka'íá tàle dhi, má tayí áma tà lanzile àmi dri dhi ko dhi. Di, tágba kònini dhi, mómí àruka àmi kòfalé dhi ki tàá dhi, ma túrúpfú líyí ro ni, má lití àyi túrúpfú sè. ¹⁷ Má lití tsì àmi, àmi ki ngá kisúzó dhyá má dré mùle àmi véna dhi i sè? ¹⁸ Bàti, má kodzó tá Títò lile àmi véna gò, má dré àma ki adrúpi àlo dhi ni mùzo lile túmání akódhi be. Di Títò nda lití tsì àmi, ngá kisúzó àmi drígàsè dhi 'í? Áma rìti dhi i, mà 'o tà àmi kòfalé togó àlo sè, láti àlo dhi ni lebèzo.

¹⁹ M̀ adré àmikya kisúá dhi, mà tà tà nda kòdhi i títi kitswázó àma ki tàrá ga àmi kandrà? Kóko! Be ró dhi, mà adré àmakya tà ta Giká kandrà ngóro mómí adrèbhá Krísto na dhi i t́ni. Áma arúpi mà dré lèle tò ni i, tà títi mà dré adrélé 'òle dhi i, mà adré 'òá kitswázó àmi ki timbà àmi ki tà ka'íka'ì na. ²⁰ Má adré mána ngá ro, má ni dra tsa àmi véna àmi ki kisú ngóro má dré lèle ko dhi t́ni dhi sè,

ìndì mè ni dra áma kisú ngóro mè dré lèle ko dhi t́ni dhi sè. Má adrè kpà ngá ro, má ni dra lawà kisú àmi kòfalé, lovó kònzì fbe, togóaswa be, dhyá ki tà bhàma drìdrì dhi be, làdhá be, móndí ki rú tàma kònzì dhi be, drìkàdrì be, ìndì tà wàyá be dhi sè. ²¹ Má adrè kpà ngá ro, má kònzì dra tsa dhi, áma Gìká ni dra áma tà t́rì àmi kandrà dhi sè, ìndì má ni dra ngo móndí bí tàkonzì 'obhá drìdrì gò, ì dré àyi ki togó ladzázó ko dhi ki tà sè dhi sè. Tàko ko, ì ladzá àyi ki togó àyi ki tà ndí ró dhi ki tà sè, àyi ki ndòtò tà sè, ìndì àyi ki tà swà ì dré 'òle dhi ki tà sè ko.

13

Tà tàle kùdù ro Kòrítòbhá ki kodzózó dhi ì

¹ Kòdhi vèsè ni na má dré adrèzó lile àmi véna dhi 'ì. Ngóro tisìle Gìká ni Kúlí na dhi t́ni: «À kàdré tà títí dhi ki bvó lanzí, móndí rì yà kó ngalè na yà tà nda ki nobhá mè sè dhi ki kúlí sè.»ⁿ ² Má longó tá tà àmi dri má dré tá adrèrà'a àmi véna vèsè ni rì sè dhi 'á, di má adrè gòle longóá má dré adrèrà'a vwàvwà ro dhi 'á: Má kònzì dra tsa àmi véna dhi, má kitswá móndyá tàkonzì 'obhá drìdrì dhi ki tayí móndí àruka fbe tà ñòma àyi dri dhi sè ko. ³ Mì adrè tá lèá nìle dhi, Krísto adrè tà ta má tí nì káyà dhi, di mè ni nìá. Tàko ko, Krísto dré adrèrà'a tà 'o àmi kòfalé dhi 'á dhi, akódhi yàyà ko. Be ró dhi, adrè ína tà 'o rìnyí sè. ⁴ Tà bàti ró dhi, akódhi tá yàyà akódhi ni tidírà'a fa kipakipa dri dhi 'á. Di, nyànomvá dhi, akódhi ína lídrì fbe Gìká ni rìnyí sè. Àma ró dhi, àma kókpà yàyà Krísto na. Di, àma àmakya lídrì fbe tùmání akódhi be Gìká ni rìnyí sè, ìndì mà ni rìnyí nda ni tadhá àmi dré.

⁵ Lè mè kàdré àmi ki togó ki tabhì, nìzoá ngalè mè ka'ì Krísto bàti gò, mè dré adrèzó tà 'o àmi ki tà ka'ika'ì nda sè yà dhi. Mì kàdré àmi ki tàndì ki tabhì. Mì nì, Yésu Krísto àmi léna be dhi ko? Àruka ni, mè ni àmi ki tabhì kisúzóá dhi, àmi ki tà kitswá ko. ⁶ Di má adrè mè bha, mè kònzì ró tàle dhi, Gìká ka'ì àma adrélé àpóstolò ì ró nì káyà dhi. ⁷ Má adrè tà zi Gìká tí, mè kò'oró tà kònzì àlomvá ko. Má adrè zìá kònzì, à kònzì ró àma ngóro móndí Gìká dré ka'ile dhi ì t́ni ko. Be ró

ⁿ13:1 À kònzì Dütèrònómè 19:15.

dhi, má adré mána zìá kònìni, mì kàdréro tà dóro 'o, tágba mà kàdré sùle ngóro mómí Gìká dré ka'ile ko dhi ì tìni yà dhi. ⁸Tàko ko, mà kitswá tà àlo 'o kònzi tà bàti rú bwà ko. Be ró dhi, mà kitswá ngbà 'í tà 'o tà bàti nda dré. ⁹Mà kàdré yàyà gò, mì dré àmìkya adrézó rìnyi ró dhi, mà adré lenzélé tà nda sè. Mà adré kpà tà zi Gìká tí, kò'oró àmì kitswálé títí be dhi bvó. ¹⁰Ásà dhi, má adré tà kòdhi kì tìsì àmì dré, má dré adrérà'a vwàvwà ro dhi 'á, má kònì dra tsa àmì véna dhi, má kòlotóro àmì rìnyí Mírì dré afèle má dré dhi sè ko. Tàko ko, akódhi afè rìnyí nda má dré kitswázó àmì kì tà ka'ìka'ì kizá ko, be ró dhi, kitswázó àmì kì tìmbà àmì kì tà ka'ìka'ì na dhi bvó.

¹¹Kùdù ro dhi, áma adrúpi ì, mì kàdré lenzélé. Mì kàdré àmì kì fe Gìká dré adrélé 'òle kitswálé títí. Mì kàdré ru tìmbà, adrézó kpà ru yi àmì kòfalésè. Mì kàdré tà kìdríkìdri ìbe àmì kòfalé be. Dì Gìká adrélépi lèle fe tà kìdríkìdri be dhi, nì adré tùmání àmì ìbe. ¹²Mì kòfè mòdo adrézó ru kamú àmì kòfalésè lèle sè. Mómíyá títí Gìká àdhya kònwa dhi ì fè mòdo àmì dré.

¹³Mírì Yésu Krísto nì togó tani, Gìká nì lèle, ìndì ru amuma Tírì Lólo be dhi ì kàdré àmì ìbe títí!